

6. ՀԵՏԱԶՈՏՈՒԹՅՈՒՆԸ ԵՎ ԶԱՐԳԱՑՈՒՄԸ

ԶՍՓԱՆԻՇ: ՄՈՒՀ-ն ապահովում է հետազոտական գործունեության իրականացումը և կապն ուսումնառության հետ:

Մասնաճյուղն իր գիտահետազոտական և նորարարական գործունեության ակտիվացման համար պլանավորել է ընդլայնել դասախոսական կազմի և ուսանողների ներգրավումը հետազոտական աշխատանքներում, նպաստել ակադեմիական համագործակցության ընդլայնմանը և հետազոտական աշխատանքների միջազգայնացմանը, նախաձեռնել տարածաշրջանի ձեռնարկությունների կարիքներին համապատասխան և նրանց մասնակցությամբ հետազոտական և կրթական ծրագրեր (ՌԾ, [Նպատակ 2](#)):

ԶՍՓՈՐՈՇԻՉ ա. ՄՈՒՀ-ում առկա է հետազոտական ոլորտում իր հետաքրքրությունները և հավակնություններն արտահայտող ռազմավարություն:

Հետազոտական ոլորտում մասնաճյուղի հետաքրքրություններն ու հավակնություններն ամրագրված են [ԵՊՀ ԻՄ Գիտական խորհրդի 2016թ. փետրվարի 19-ի թիվ 14 նիստում](#) ընդունված «[ԵՊՀ Իջևանի մասնաճյուղի զարգացման ռազմավարական ծրագիր \(2016-2016թթ.\)](#)» փաստաթղթում: Համաձայն դրա ԵՊՀ ԻՄ-ն ձգտում է դառնալու այնպիսի հաստատություն, որը`

- ուսանողներին առաջարկում է համակողմանի գիտելիք, կարողություններ և հմտություններ ապահովող կրթական ծրագրեր` **խարսխված հետազոտության, ստեղծագործ աշխատանքի ու նորարարության** վրա և համահունչ Եվրոպական բարձրագույն կրթության տարածքի հիմնարար սկզբունքներին,
- ուսանողներին և աշխատողներին տրամադրում է բարձրորակ կրթություն և հետազոտություններ իրականացնելու համար անհրաժեշտ ժամանակակից ենթակառուցվածքներ և բարենպաստ միջավայր:

Գիտության և նորարարության ոլորտում ռազմավարական իր նպատակի իրականացման համար կրթօջախն իր գործունեությունը նպատակաուղղել է հետևյալ խնդիրների լուծմանը.

- մեծացնել հետազոտությունների ծավալը և ընդլայնել հետազոտական նախագծերում դասախոսական կազմի և սովորողների ներգրավվածությունը,
- զարգացնել հետազոտական համագործակցությունը հանրապետության գիտահետազոտական ինստիտուտների, բուհերի և ձեռնարկությունների հետ,
- խթանել մասնաճյուղի հետազոտական գործունեության միջազգայնացումը:

Մասնաճյուղում դասախոսական կազմի հետազոտական, մեթոդական ու փորձագիտական աշխատանքները կազմակերպվում և իրականացվում են մասնագիտական ամբիոններում, կարգավորվում ըստ ամբիոնների կանոնադրությունների (հաստատվել են [ԵՊՀ ԻՄ-ի ԳԽ, 27.01.2017թ., կետ 5, էջ 2](#)): Պրոֆեսորադասախոսական կազմի և ուսանողների համատեղ գիտահետազոտական աշխատանքները կազմակերպվում և իրականացվում են ըստ «[ԵՊՀ ԻՄ ուսանողների պրակտիկայի կազմակերպման և անցկացման կարգ \(26.05.2018 թ.\)](#)»-ի, ինչպես նաև «[Երևանի պետական համալսարանում բակալավրի ավարտական աշխատանքի պատրաստման և գնահատման կարգ \(14.02.2018 թ.\)](#)»-ի և «[Բակալավրի կրթական ծրագրով ավարտական աշխատանքների գրախոսման կարգ \(28.02.2012 թ.\)](#)»-ի:

ԵՊՀ ԻՄ-ն խրախուսում և **համակարգում է** ուսանողների և աշխատակիցների գիտահետազոտական գործունեությունը.

- ԵՊՀ ԻՄ-ի գիտական քարտուղարը և գիտակազմակերպական աշխատանքների համակարգողը համակարգում են Բուհի հետազոտական գործունեությունը,

- 2017թ.–ի սեպտեմբերից ՈԻԳԸ-ին կցվել է համակարգող,
- 11.02.2017թ. (թիվ 22) հաստատվել է [ԵՊՀ ԻՄ ուսանողական գիտական ընկերության գիտաժողովների կազմակերպման կանոնակարգը](#),
- 28.10.2017թ. (թիվ 27) հաստատվել է [ԵՊՀ ԻՄ ուսանողական գիտական ընկերության վերամշակված կանոնադրությունը](#),
- 28.02.2018թ. հաստատվել է [ԵՊՀ Իջևանի մասնաճյուղի կողմից կազմակերպվող գիտաժողովներին դրամական աջակցություն տրամադրելու կարգը](#),
- 28.12.2019թ. (թիվ 42) հաստատվել է [ԵՊՀ ԻՄ-ի աշխատողներին աշխատանքի որոշ տեսակների համար վճարվող լրավճարների հաշվարկման և վճարման կարգը](#),
- ԵՊՀ ԻՄ-ում հիմնական աշխատակիցների և ուսանողների կողմից կատարված գիտահետազոտական աշխատանքների մասին հաշվետվություններն ամփոփվում են ամբիոնների տարեկան հաշվետվություններում, ԵՊՀ Իջևանի մասնաճյուղի [գործունեության գնահատման առանցքային ցուցանիշներում](#) (ԳԱՑ), մասնաճյուղի [գործունեության հաշվետվություններում](#), մասնաճյուղի [գործունեության վերաբերյալ տնօրենի հաշվետվություններում](#), մասնաճյուղի [գարգացման ռազմավարական ծրագրի կատարման վերաբերյալ զեկույցներում](#), մասնաճյուղի [ուստարվա գործունեություններում](#):

Կրթօջախն իր հետազոտական գործունեությամբ ձգտում է մասնաճյուղում պահպանել ԵՊՀ-ում տարիների ընթացքում ձևավորված հետազոտական դպրոցների ավանդույթները, ինչպես նաև նպաստել դրանց հետագա զարգացմանն ու, ըստ հնարավորության, սեփական հետազոտական դպրոցի ստեղծմանը:

Գիտահետազոտական աշխատանքների արդյունքները մասնագիտական լայն հասարակությանը ներկայացվում են առանձին հոդվածների, գիտական ժողովածուների, պարբերական-ների, գրքերի ու ինֆորմացիայի տարածման այլ միջոցների միջոցով, ներկայացվում ներբուհական, հանրապետական և միջազգային գիտահետազոտական միջոցառումներում. գիտաժողովներում, նստաշրջաններում, սեմինարներում:

Աղյուսակում ներկայացված վերջին երեք ուստարիների տվյալները ցույց են տալիս, որ ԵՊՀ ԻՄ-ի [հիմնական դասախոսական կազմի](#) գիտահետազոտական աշխատանքների հրատարակությունների՝ [ցուցահանդեսների](#), [դասագրքերի](#), [հրատարակված հոդվածների](#), [ուսումնական ձեռնարկների քանակները](#) վերջին ուստարվա մեջ ավելացել է:

	Հրատարակություն	2016-2017	2017-2018	2018-2019	Ընդամենը
	Հոդված	50	36	47	133
	Մենագրություն	2	3	1	6
	Դասագիրք	0	0	5	5
	Ուսումնական ձեռնարկ	5	1	4	10
	Զեկույցումների թեզիսներ	1	11	0	12
	Ցուցահանդեսներ	34	3	44	80
	Ընդամենը	92	54	101	246

Հետևյալ աղյուսակում ներկայացված տվյալներից կարելի է եզրակացնել, որ ԵՊՀ ԻՄ –ում նկատվում է առանց արտաքին գործընկերների համագործակցության կատարված հետազոտական աշխատանքների թվի աճ:

ԳԱՑ 2014-19, Ցուցանիշ 2.13, էջ 36	2016-2017	2017-2018	2018-2019
Ընդհանուր հրատարակությունների թիվը	92	54	101
Արտաքին գործընկերների հետ համատեղ	9	2	

հրատարակությունների թիվը			
Արտաքին գործընկերների հետ համատեղ հրատարակությունների հաշվեկշիռը (%)	9.8%	3.7%	0%

Մեկ դասախոսին ընկնող ուսումնամեթոդական հրատարակությունների թիվը վերջին 3 ուստարիների համար կազմում է **0.07, 0.04 և 0.11** ([ԳԱՅ 2014-19, ցուցանիշ 2.13, էջ 36](#)), իսկ մեկ դասախոսին ընկնող գիտական հրատարակությունների թիվը կազմում է **0.6, 0.54 և 0.61** ([ԳԱՅ 2014-19, ցուցանիշ 5.3, էջ 70](#)), ընդ որում այս թվերը պայմանավորված են միայն մասնաճյուղի հիմնական դասախոսական կազմի հրատարակությունների թվով և դրանք, ինչպես տեսնում ենք, կայուն են:

Վերջին տարիներին **ԵՊՀ ԻՄ-ում պարբերաբար կազմակերպվում են [հանրապետական գիտաժողովներ](#)**, որոնց ակտիվ մասնակցում են մեր ուսանողները և դասավանդողները:

2019թ. հոկտեմբերին մասնաճյուղի ՈՒԳԸ նախաձեռնությամբ տեղի է ունեցել ԵՊՀ Իջևանի մասնաճյուղի հիմնադրման 25-ամյակին նվիրված [«Անկախության առաջնեկը»](#) խորագրով հանրապետական ուսանողական գիտաժողովը, որին մասնակցել են 38 ուսանողներ ՀՀ տարբեր բուհերից և մասնաճյուղից: 2019թ. մայիսին մասնաճյուղում կայացել է [«Թումանյանի ծննդյան 150-ամյակին](#) նվիրված հանրապետական գիտաժողով, 2018թ. մայիսին՝ [«1918թ. Մայիսյան հերոսամարտերը և Հայաստանի առաջին հանրապետության արարման գործընթացը»](#) խորագրով հանրապետական գիտաժողով՝ նվիրված Առաջին Հանրապետության հիմնադրման 100-ամյակին:

ԵՊՀ ԻՄ-ի ուսանողները մասնակցում են նաև ԵՊՀ-ի ՈՒԳԸ-ի կազմակերպած տարբեր միջոցառումներին, մասնավորապես ամենամյան [միջազգային գիտաժողովներին](#):

ԶՍՓՈՐՈՇԻՉ ք. ՄՈՒՀ-ն ունի երկարաժամկետ ռազմավարություն և միջնաժամկետ ու կարճաժամկետ ծրագրեր, որոնք արտահայտում են հետազոտության ոլորտում ՄՈՒՀ-ի հետաքրքրությունները և հավակնությունները:

ԵՊՀ Իջևանի մասնաճյուղում գիտահետազոտական հետաքրքրություններն ու հավակնություններն արտահայտված են [2016-2020 թթ. երկարաժամկետ ռազմավարական ծրագրում](#), համաձայն որի մշակվել են մասնաճյուղի զարգացման ռազմավարական ծրագրի իրականացման միջնաժամկետ և կարճաժամկետ պլանները:

Մասնաճյուղում հետազոտություններն իրականացվում են մասնագիտական ամբիոններում: Յուրաքանչյուր ամբիոն իրականացնում է իր մասնագիտական ուղղվածությանը համապատասխան գիտահետազոտական աշխատանքներ ([Հավելված 6. Աղյուսակ 1](#)): Ամբիոնների միջնաժամկետ ռազմավարական ծրագրերը (օրինակ՝ [«Հայոց պատմության և հասարակագիտության ամբիոնի 2016-2020թթ. զարգացման ռազմավարական ծրագիր»](#)) կազմվում են մասնաճյուղի ընդհանուր ռազմավարական ծրագրի դրույթներից ելնելով: Ամեն մի ամբիոն կազմում է [ամենամյա աշխատանքային պլան](#)՝ նշելով գիտական կոնֆերանսների նախապատրաստման, ուսանողական գիտահետազոտական աշխատանքների կազմակերպման, գիտական բանավեճերի ու նոր լույս տեսած մասնագիտական գրականության շուրջ քննարկումների անցկացման մասին հստակ ժամանակացույց: Կատարված գիտական աշխատանքները ներկայացվում են [ամբիոնների տարեվերջյան հաշվետվություններում](#) և ամփոփվում [ԵՊՀ ԻՄ տարեկան հաշվետվությունում](#) (տես նաև հետևյալ [հղումով](#)):

Մասնաճյուղի յուրաքանչյուր դասախոս ուսումնական տարվա սկզբին կազմում է [անհատական աշխատանքային պլան](#), ներկայացնում գիտական, գիտամանկավարժական և գիտամեթոդական հետազոտությունների, մասնագիտական աճի ապահովման, որակավորման բարձրացման ուղղությամբ իր կողմից պլանավորված աշխատանքները, իսկ ուստարվա ավարտին ներկայացնում կատարողականի վերաբերյալ համապատասխան հաշվետվություն: Առկա է

տեղացի ասպիրանտ (հայցորդ) դասավանդողների և ԵՊՀ-ից հրավիրված փորձառու դասավանդողների միջև արդյունավետ գիտական համագործակցություն: Չնայած այս ամենին՝ հետազոտական ոլորտում միջնաժամկետ և կարճաժամկետ ծրագրերի իրականացման ուղղությամբ վերջին տարիներին որոշակի պասիվություն է նկատվել՝ կապված մասնաճյուղի գիտական հանդեսի ԲՈԿ-ի ցանկից դուրս մնալու հետ:

Դասախոսների և ուսանողների գիտական գործունեությանն աջակցում է մասնաճյուղի գրադարանը, որը պարբերաբար համալրվում է մասնագիտական անհրաժեշտ գրականությամբ ([ԳՍՑ 2014-2019, Ցուցանիշ 4.4/Էջ 60](#)):

Մասնաճյուղի ղեկավարության կողմից մշակվել և գործում են հետազոտական աշխատանքների խրախուսման մեխանիզմներ, մասնաճյուղի պրոֆեսորադասախոսական կազմը ունի Մայր բուհի գիտահետազոտական լաբորատորիաներից օգտվելու և գիտական պարբերականներում իրենց հոդվածները տպագրելու հնարավորություն:

ՉՍՓՈՐՈՇԻՉ գ. ՄՈԻՀ-ն ապահովում է հետազոտությունների իրականացումը և իր զարգացումը՝ հստակ քաղաքականության և ընթացակարգերի միջոցով:

Մասնաճյուղի հետազոտական աշխատանքների իրականացման քաղաքականությունն ու ընթացակարգերը բխում են [ԵՊՀ \(27.11.2014թ.\)](#) և [ԵՊՀ Իջևանի մասնաճյուղի կանոնադրություններին](#) ([29.04.2015թ.](#)) և ամրագրված են նրանց կանոնակարգերում ու ծրագրային փաստաթղթերում (19.02.2016թ., [ՌԾ, նպատակ 2, էջ 8](#)): Դրանք միտված են ստեղծելու և զարգացնելու մասնաճյուղի գիտական ուղղությունները:

Գիտական ներուժի արդյունավետությունը բարձրացնելու և հետազոտության ոլորտում ծավալի աճ ապահովելու համար ԵՊՀ Իջևանի մասնաճյուղը ձգտում է բարելավել հետազոտական գործընթացի իրականացման համար անհրաժեշտ տարածքային և նյութատեխնիկական պայմանները, զարգացնել և արդիականացնել մասնաճյուղի ուսումնական և գիտական բազան: Դասախոսների գիտական գործունեությանն աջակցում է մասնաճյուղի [«Ակունք»](#) գիտական պարբերականը, որտեղ անվճար տպագրվում են աշխատակիցների հոդվածները: Մասնաճյուղում իրականացվում են անհրաժեշտ գործընթացներ [«Ակունք»](#) գիտական պարբերականի գործունեությունը ԲՈԿ-ի նոր պահանջներին համապատասխանեցնելու և մասնաճյուղի դասախոսների գիտական գործունեությունը խթանելու համար: 2016-2019թթ. ընթացքում [«Ակունք»](#) հանդեսում տպագրվել է 255 հոդված, որի 40%-ը բուհի պրոֆեսորադասախոսական կազմի կողմից: Ներկայացված թվերը մատնանշում են նաև գիտական հանդեսի բարձր վարկանիշի մասին:

Հեղինակներ	2016		2017		2018		2019		Ընդ.	
	Քանակ	%	Քանակ	%	Քանակ	%	Քանակ	%	Քան.	%
ԵՊՀ և ՀՀ այլ բուհերից հրավիրված դասախոսներ	7	15	9	12	24	21	2	9	42	16.5
Հիմնական դասախոսներ	15	31	18	25	19	17	7	32	59	23.1
Այլ հեղինակներ	26	54	45	63	70	62	13	59	154	60.4
Ընդամենը	48		72		113		22		255	

Մասնաճյուղը քայլեր է ձեռնարկում նաև դասախոսական կազմի գիտահետազոտական գործունեությունը խրախուսելու ուղղությամբ: Այդ նպատակով 2020թ. հունվարից մասնաճյուղի նախահաշվով նախատեսվել է 2 (երկու) միլիոն ՀՀ դրամ և ևս 1 (մեկ) միլիոն դրամ ներհամալսարանական հետազոտական ծրագրերի ֆինանսավորման համար: 2020թ. -ի փետրվարին ստեղծվել է [«Տավուշ» հետազոտական կենտրոնը](#) ([ԳԽ, 22.02.2020, կետ 8, հրաման թիվ 1/10, 08.01.2020թ.](#)), որը մասնաճյուղի դասախոսների հետազոտական գործունեության իրականացման նոր ասպարեզ

է բացում և նպատակ ունի համակարգել նրանց հետազոտական գործունեությունը, բարձրացնել արդյունավետությունը, նաև ծառայեցնել մարզի հնարավորությունների բացահայտմանը:

Հետազոտական աշխատանքների կատարմանը նպաստում է նաև մասնաճյուղում պրոֆեսորադասախոսական կազմի որակավորման բարձրացման կրթագիտական ծրագրի իրականացումը ([ԳԽ, 11.02.2017թ.](#)), որի համաձայն հրատարակած հոդվածի, մենագրության, դասագրքի, ուսումնական ձեռնարկի, միջազգային համաժողովում ունեցած զեկուցման, դոկտորական կամ թեկնածուական ատենախոսության պաշտպանության, հեղինակային իրավունքի արտոնագրի համար դասախոսները ստանում են համապատասխան կրեդիտներ:

Վերջին 5 տարիների ընթացքում մասնաճյուղի 5 դասախոսներ ստացել են գիտությունների թեկնածուի գիտական աստիճան, 18-ը՝ դոցենտի գիտական կոչում, 3-ին շնորհվել է դոկտորի գիտական աստիճան, 3-ը ստացել են պրոֆեսորի գիտական կոչում: Գիտական աստիճաններ և կոչումներ ստացած դասախոսներից **8-ը երիտասարդ դասախոսներ են:**

2016-2019թթ. ընթացքում մասնաճյուղի բավականին թվով դասախոսներ մասնագիտական արդյունավետ գործունեության և կրթությանը մատուցած ծառայության համար խրախուսվել են և ստացել 2.315.000 դրամ պարգևավճար (*Հավելված 6, աղյուսակ 4*):

ՉԱՓՈՐՈՇԻՉ Պ. ՄՈՒՀ-ը կարևորում է հետազոտական գործունեության միջազգայնացումը:

Հետազոտական գործունեության միջազգայնացումը մասնաճյուղի ռազմավարական խնդիրներից է և բուհը քայլեր է ձեռնարկում միջազգային գիտական ամսագրերում աշխատակիցների հրապարակումները խրախուսելու, արտասահմանյան գիտաժողովներին մասնաճյուղի աշխատողների մասնակցությանը օժանդակելու, միջազգային գիտաժողովներ կազմակերպելու, արտասահմանյան գործընկերների ձեռք բերմանը և համագործակցության ամրապնդմանն աջակցելու ուղղությամբ ([ՌՕ. Խնդիր 2.3 Խթանել մասնաճյուղի հետազոտական գործունեության միջազգայնացումը](#)): 2019թ. ԵՊՀ ԻՄ-ի գիտական խորհրդի [թիվ 42 նիստի որոշմամբ](#) մասնաճյուղում կգործի գիտահետազոտական աշխատանքների որոշ տեսակների կատարման համար վճարվող լրավճարների հաշվարկման և վճարման կարգը: Այս հանգամանքը կնպաստի մասնաճյուղում գիտահետազոտական աշխատանքների որակական և քանակական ցուցանիշների բարելավմանն ու արդյունքների միջազգայնացմանը:

2015-2019թթ. ընթացքում մասնաճյուղի դասախոսներն իրենց հետազոտական աշխատանքների մի մասը հրատարակել են ԱՊՀ երկրներում գրախոսվող մասնագիտական ամսագրերում և արտասահմանյան միջազգային գիտական հանդեսներում՝ հետևելով համապատասխան ամսագրում տպագրության ներկայացվող հոդվածների պատրաստման և ներկայացման սահմանված պահանջներին: Ինչպես դասախոսները, այնպես էլ ուսումնառողները զեկույցներով հանդես են եկել ԵՊՀ-ի, ՀՀ այլ բուհերի և գիտահետազոտական ինստիտուտների կողմից կազմակերպվող միջազգային գիտաժողովներին, մասնակցություն ցուցաբերել արտերկրում կայացած մի շարք միջազգային գիտաժողովների: Այս առումով մասնաճյուղն աջակցում է ուսումնառողներին և դասավանդողներին սպասվելիք միջազգային գիտաժողովների և միջազգային դրամաշնորհային ծրագրերի վերաբերյալ տրամադրելով անհարաժեշտ տեղեկատվություն: Աղյուսակում ներկայացված է ՀՀ-ում և արտերկրում կազմակերպված միջազգային գիտաժողովներին մասնաճյուղի դասավանդողների մասնակցությունը վերջին 5 տարիների համար.

Կազմակերպման վայրը	2015	2016	2017	2018	2019	Ընդ.
ՀՀ-ում կազմակերպված միջազգային գիտաժողովներ	3	4	-	-	1	8
Արտերկրում կազմակերպված միջազգային գիտաժողովներ	3	7	8	4	1	23

Հավելված 6-ում ներկայացված աղյուսակներ 2-ը և 3-ը ցույց են տալիս, որ դեռևս սահմանափակ է ԱՊՀ և օտարերկրյա գրախոսվող ամսագրերում ԵՊՀ ԻՄ դասախոսների հրապարակումների թիվը: 2015-2019թթ. այն կազմել է ընդհանուր հրատարակությունների թվի (286) **4.55% -ը**:

Մասնաճյուղի միջազգայնացման և արտասահմանյան բուհերի հետ համագործակցության ակտիվացման համար 2015թ. բուհում ստեղծվել է Միջազգային կապերի բաժինը, որը 2019թ. վերափոխվել և դարձել է Արտաքին կապերի բաժին: 2016 թ.-ից մասնաճյուղը համագործակցում, իսկ 2019թ. մայիսին պայմանագիր է կնքել [Ռուսաստանի Դաշնության ԳՊՀ-ի պետական համալսարանի \(ԳՊՀ\) հետ](#)՝ կրթական, հետազոտական մի շարք ուղղություններով: Համագործակցության շրջանակում 2019թ. փետրվարին ԵՊՀ ԻՄ-ի և ԳՊՀ-ի միջև «Զբոսաշրջությունը և մշակույթը երեկ, այսօր, վաղը» խորագրով տեղի է ունեցել երիտասարդ գիտնականների [միջազգային գիտագործնական տեսակոնֆերանս](#), որի նյութերը հրատարակվել են 2019թ. հոկտեմբերին:

ՉՍՓՈՐՈՇԻՉ Ե. ՄՈՒՀ-ում գործում են հետազոտական գործունեության և ուսումնական գործընթացի փոխկապակցման մեխանիզմներ:	
Ուսումնառողների ո՞ր տոկոսն է բավարարված վերոնշյալ գործընթացներից:	88.6%
Դասավանդողների ո՞ր տոկոսն է բավարարված վերոնշյալ գործընթացներից:	74%
Գործատուների ո՞ր տոկոսն է բավարարված վերոնշյալ գործընթացներից:	82.4%

Մայր բուհի միակ մասնաճյուղը կարևորում է ուսումնական գործընթացների և հետազոտական գործունեության փոխկապակցումը ([ՌՕ, Խնդիր 2](#)): Դասընթացների բաշխումը կատարվում է համաձայն դասավանդող դասախոսների նեղ մասնագիտացման, հաշվի են առնվում նրանց հակումներն ու կարողությունները: Ուսանողների կուրսային և ավարտական աշխատանքների թեմաներն առաջադրվում են հիմնականում ամբիոնների գիտական ուղղվածությանը (**Հավելված 6, աղյուսակ 1**) և գիտական ղեկավարների հետազոտական աշխատանքների թեմատիկային համապատասխան: Մասնաճյուղի դասախոսներն իրենց գիտական աշխատանքների արդյունքները և փորձը ներառում են ԵՊՀ ԻՄ մասնագիտությունների կրթական ծրագրերում, պարբերաբար կատարում են դասընթացների բովանդակային փոփոխություններ, որոնք արտահայտվում են դասընթացների փաթեթներում (պորտֆոլիոներում):

Մասնաճյուղից բավարարվածության 2018-19 ուստարվա հարցման շրջանակներում ուսումնասիրվել է նաև [դասախոսների բավարարվածությունը գիտահետազոտական գործունեության մասնաճյուղի տված հնարավորություններից](#): Հարցմանը մասնակցած թվով **60** դասախոսների **87%-ը** դասախոսական աշխատանքի համար գիտական գործունեությունը բոլոր դեպքերում կարևորում և անհրաժեշտություն է համարում (**էջ 1,2**): Նրանց **77%-ը** զբաղվում է գիտական գործունեությամբ (**էջ 1**), և նրանց **60%-ը** նշել է, որ մասնաճյուղը նպաստում է իրենց գիտական գործունեությանը (**էջ 2**): Իսկ նրանց **74%-ը** փաստում է, որ իրենց ամբիոններում հետազոտական գործունեությունը և ուսումնական գործընթացը փոխկապակցված են (**էջ 4**):

Ամբիոնների կողմից կատարվող գիտահետազոտական աշխատանքները մեծապես նպաստում են ինչպես ուսումնական գործընթացի արդյունավետության բարձրացմանը, այնպես էլ ժամանակի նորարական փոփոխություններին պատշաճ արձագանքելու կարողությունների

մեծացման ու տարածաշրջանի հիմնախնդիրներին ուղղված առաջարկությունների մշակմանը: Հարցմանը մասնակցած դասախոսների 72%-ը նշել է, որ իր **գիտական աշխատանքների արդյունքներն** ուսանողությանը մատչելի են դառնում իր դասախոսությունների միջոցով (եջ 5,6), և ընդ որում դա միակ ճանապարհը չէ. նրանք կարևորում են նաև պրակտիկաների, կուրսային և ավարտական աշխատանքների, ուսանողների հետ արտալսարանային աշխատանքների միջոցով նրանց գիտության նվաճումներին իրազեկելու և ներառելու ճանապարհը:

Ուսանողների գիտելիքների ամրապնդման և հետազոտական հմտությունների պրակտիկ կիրառման միջոցներից է նաև **մասնակցությունը** ուսանողական գիտական ընկերության և ուսանողական խորհրդի կողմից կազմակերպվող [գիտաժողովներին](#), [սեմինարներին](#), [գեկուցումներին](#): 2017-2019թթ. ժամանակահատվածում մասնաճյուղի ուսանողների կողմից կարդացվել են շուրջ 23 ուսումնագիտական գեկույցներ: Դրանց պատրաստումը կատարվել է ամբիոնների խորհրդատվությամբ և աջակցությամբ: Ուսանողների լավագույն հետազոտական աշխատանքները տպագրվում են տարբեր գիտական հանդեսներում: Միայն 2020թ. առաջին 3 ամիսներին «Ակունք» գիտական հանդեսների ժողովածուում տպագրվել է ուսանողների 3 հոդվածներ և ռուսական «[Вестник научных конференций](#)» («Գիտական կոնֆերանսների բանբեր») ժողովածուում՝ 9 հոդվածներ:

Ուժեղ կողմեր (Strengths)	Հնարավորություններ (Opportunities)
<ol style="list-style-type: none"> 1. Մասնաճյուղի առկայությունը՝ որպես տարածաշրջանային հետազոտական և կրթական կարևոր կենտրոն: 2. Ռազմավարական ծրագրում հետազոտություններին և զարգացմանը վերաբերող նպատակի առկայությունը: 3. Գիտական հետազոտությունների ոլորտում բազմամյա փորձ կուտակած բարձրորակ պրոֆեսորադասախոսական անձնակազմ: 4. Չնավորված հետազոտական միջավայր՝ երիտասարդ գիտնականների և ուսանողների պատշաճ ներգրավմամբ: 5. Ամբիոններում գիտահետազոտական գերակա ուղղությունների առկայությունը 6. «Ակունք» գիտական հանդեսի առկայությունը: 7. ԵՊՀ-ի գիտական հանդեսներում մասնաճյուղի աշխատակիցների գիտական հոդվածների տպագրումը: 8. Տարաբնույթ գիտական միջոցառումների կազմակերպումը: 9. Մասնաճյուղի ուսանողների և դասավանդողների ակտիվ մասնակցությունը տարածաշրջանային և հանրապետական ցուցահանդեսներին: 10. ՈՒԳԸ-ի ակտիվ գործունեությունը: 	<ol style="list-style-type: none"> 1. ԵՊՀ գիտահետազոտական լաբորատորիաներից օգտվելը: 2. Հանրապետական և միջազգային գիտաժողովներին մասնակցության ընդլայնումը և «Հետազոտական աշխատանքի կազմակերպման սկզբունքները» դասընթացի կազմակերպումը մասնաճյուղում: 3. ԵՊՀ միջազգային համագործակցության վարչության հետ համագործակցությունը: 4. Գիտատեղեկատվական ներհամալսարանական ցանցի կատարելագործում: 5. Հանրապետական և տարածաշրջանային հետազոտական ծրագրերում համալսարանի մասնակցության նախաձեռնում: 6. Արտաքին շահառուների, մասնավորապես պայմանագրերով ամրագրված խոշոր գործատուների և հասարակության հետ կապերի կատարելագործում:
Թույլ կողմեր (Weaknesses)	Վտանգներ (Threats)
<ol style="list-style-type: none"> 1. Մասնաճյուղում գիտահետազոտական աշխատանքները համակարգող կառույցի բացակայությունը: 2. Գիտական և հետազոտական աշխատանքների, գիտաժողովներին մասնակցության, գիտական հոդվածների տպագրման ֆինանսական թույլ աջակցությունը: 	<ol style="list-style-type: none"> 1.Տարածաշրջանում գիտահետազոտական կազմակերպությունների և գիտահետազոտական պատվերների բացակա-

<p>3. Պետական ֆինանսավորմամբ գիտական թեմաների բացակայությունը:</p> <p>4. Գիտական հետազոտության համար անհրաժեշտ նյութատեխնիկական բազայի բացակայությունը:</p> <p>5. Հետազոտական աշխատանքներում ուսանողների թույլ ներգրավվածությունը</p> <p>6. Համալսարանի գիտական ներուժի ոչ բավարար ներգրավվածություն պետական պատվերով և նպատակային ֆինանսավորմամբ իրականացվող գիտական հետազոտություններում:</p> <p>7. Բարձր վարկանիշով հանդեսներում տպագրված աշխատանքների քիչ քանակը:</p> <p>8. Օտար լեզվի, մասնավորապես միջազգային գիտական լեզվի՝ անգլերենի տիրապետման անբավարար մակարդակը:</p> <p>9. Փոխկապակցված գիտահետազոտական նախաձեռնություններ իրականացնելու նպատակով այլ համալսարանների հետ գործընկերային հարաբերությունների ցածր մակարդակը:</p>	<p>յությունը:</p> <p>2. Համաշխարհային տեխնոլոգիական առաջընթացին ոչ համահունչ զարգացումը:</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------